

錢塘湖山勝概記

地 750.24
11.73

錢唐湖山勝槩記



凡稱山川之形勝自京師而下莫不以浙為首然錢唐所以稱首勝者以內抱湖山奇偉秀麗之美兼有居民富庶知教之風為吳越一都會也分野在斗疆域則揚州形勢則自天目龍飛鳳舞歇落江湖鍾靈于人物者古今不乏踞江為險橫空列城城有門十

鳳山候潮當其南永昌清泰慶春當其東艮山武林

當其北錢唐湧金清波當其西

右第一節總記錢唐之勝

由城而

西出湧金門舊名豐豫行三十步許至西湖環三十里宋號放生池萬頃一碧水天上下朱樓翠黛畫舫笙歌遨遊古今晴亦美雨亦奇非窮陬僻壤一邱一壑因人而顯者比湖之中有三塔塔之下有三潭淵

淵沉沉而莫測其深。澄澄湛湛而莫盡其狀。魚龍變化。鷗鷺浮沉。景自天開。風月無際。有非廣寒水晶之喻可擬也。又有孤山。山出水中。最為奇絕。故山有四照閣。竹閣。報恩院。廣化。延祥觀。太乙宮。帝師殿。皆迭興而迭廢。今惟白樂天金沙井。蘇子瞻六一泉。并林和靖墓。千古猶在水西雲北。月香水影。晴光雨色之

二

句。至今傳焉。今郡守胡侯復建三賢祠。以祀樂天。君復子瞻。知所重矣。祠之東有斷橋。北有西林橋。皆跨湖而建。橋通裏外。湖漁樵耕牧謳歌之聲。不絕晝夜。濱湖東南有學士港。花港。柳浪等景。相接水雲。

右第二節

記湖中

沿湖之勝。則自豐樂樓始。在湧金門西。宋楊

靖建趙安撫增高外瞰湖山。上攀星斗。官設酒沽。極

一時之勝。後為撓政者罷之。樓之北有環碧園。宋之外圃。地連柳洲。今併為僧寺。又北有玉蓮堂。舊名一清。以種白蓮。賜扁玉蓮。云樓之南有靈芝寺。錢氏故苑。宋建依光堂於此。飯僧。今堂廢。寺存。又南有聚景園。值清波門外。宋阜陵致養北宮於此。今已蕪圯。門內則連吳山十廟。鱗次萬井。星羅藩臬衛府。黌宮學。

舍。文物儒冠。茲不暇以悉舉也。

右第三節記湖東之勝

門外則

接萬松嶺。西過長橋。車馬絡繹。橋之北有內司之翠芳。侂冑之勝景。甘內侍之湖曲。三園比儷。今皆為墟。橋之南即方家峪。峪有劉陳二妃墳。墳皆建寺。見存寺之南則有慈雲嶺。由嶺西轉則南屏山。松篁交翠。形如象捲。狀若屏開。後周建淨慈寺。今名興教。居五

山之列。山有宗鏡堂。下有千佛閣。羅漢堂居左。鐘樓居前。為十景之一。案山之外有雷峯。錢氏妃建寺造塔。久為劫灰。西有藕花莊。高僧聯楚芳塔院。勅焉。

右第

四節記湖
南之勝

自淨慈而西至法因寺。路岐而二。一接蘇

公所築之隄。隄五十里。以防澗水行者便之。上有六

橋。下各通步。一曰映波。二曰鎖瀾。三曰望山。四曰壓

四

隄。五曰東浦。六曰跨虹。橋覆以亭。隄閒桃柳芳草鋪

茵。菱荷簇錦。景入品題尤多。其閒又建先賢祠。昔享

鄉賢三十四人。又從湖山堂。勅雪江講堂。水仙廟。及

西湖崇真二道院。布滿芳堤。而無隙地。則其當時民

物之阜。風俗之美。政教之行。槩可想而見。使惠卿有

知。則含羞于地下矣。

右第五節記
湖西之勝

一自法因沿山而

行至南高峰。峯自五雲山際天分劈。疊嶂層巒。狀若奔走。飛舞湖中。望之超然秀麗。獨出羣峰。浮屠七級。上簷霄漢。屋有捨身臺。鉢盂潭。巔有五顯廟。龍王祠。致禱必應。其麓四出一由前洋嶺。過大慈山。至虎跑真珠二泉。南出龍山。進龍橋。抵六河塔。當江而止。一過慈雲嶺。登雲臺。出包家鳳凰。秦望三山。多有吳越

五

南宋故迹。過者莫不嘉錢氏之克忠。而恨秦賈之誤國也。今建風雲雷雨山川壇。為國祀典。并報國勝果天龍龍華諸寺。遶焉一落石塢。煙霞二嶺。嶺有楊梅。隄石佛菴。水樂洞。泉如樂聲。故名。下有玉岑山。山對高麗寺。界六通法相二寺。出東嶽行祠。越栗園梅園。縈紆二。三里。景致無窮。皆山川毓秀于物也。一落西

湖過大小二麥嶺大麥之上有蘇軾王瑜題名東至
丁家山北有黃泥嶺小麥之上有靈顯廟西下飲馬
橋南至風篁嶺上有龍井幅員盈丈深不可測有龍
居之禱必興雲作雨昔有方士煉丹其山今剏龍井
寺于山之陽西接演福寺寺有辨才塔蘇子由為銘
風水叢聚右第六節記溪流而東入湖路轉而北過
南山之勝

六

胭脂嶺至大普福寺北出九里松東過行春橋接小
新隄天澤土穀廟路通麴院又由普福西過集慶寺
月桂峯下有閻妃墳迤西入佛國山張即之書扁筆
妙入神自入下竺過中竺至上竺而止上竺則觀音
為靈下竺則古蹟為勝三竺之間雲影天光泉聲松
籟岑寂島空香凝鐘靜耳目心神之會覺其迷極其

樂者豈不超三界外乎。歸路左轉由合澗橋過龍泓洞。有飛來峯。又名靈鷲山。與三天竺一脈聯屬。至此而盡。故上有巉岩。下有空谷。謂之飛來者。妄也。相對有靈隱寺。規模宏壯。為五山第二。兩山之間有冷泉亭。泉可濯。亭可憩。樹林陰翳。九夏而暑無侵。樂天云。有虛白見山觀風望仙四亭。今皆無所考。西有呼猿洞。猿去而洞湮。靈隱之後。則北高峯秀出。諸山支分。上竺盤折七十二灣。麓行二十餘里。磅礴起伏。至武林山而歇。其靈鍾于五顯神通外境。皈向者甚遠。山之腰有半山廟。西有韜光菴。菴極幽靜。可以藏修。唐有僧居之。亦不成果而去。山之麓有上下永福寺。相鄰。天聖薦福寺相對。又西過永定菴。靈隱高僧塔院。

至石人嶺嶺通西溪。

右第七節記
西山之勝

復轉北山路過白

樂橋沿澗而東經徐神翁雷院北過桃源嶺路通法

華山嶺之南有青芝佛牙二塢秦亭靈峯玉泉寺玉

泉之水溢出溉田膏潤數里大旱不竭為一方之民

利由玉泉路轉東山至棲霞嶺上有紫雲洞嶺之北

有黃龍潭嶺之南有宋中興名將岳鄂武穆王精忠

八

廟宰木蒼蒼春秋祀享千載不磨廟之東新剏鳳林

寺舊有永壽寺毛妃墳在焉葛嶺之間有四聖觀東

有瑪瑙寶雲智果三寺寶雲中有葛洪初陽臺智果

中有道潛參寥泉葛嶺之首有保叔塔寺名崇壽樓

閣憑空軒窗來月金碧相輝于湖上勝有葛翁坡翁

事蹟為北山之偉觀也後有巾子峯如巾又有石甑

山如甌塔之下有水月園南有大佛頭相傳以為秦
皇纜船石今僧家改為佛像面臨湖際寺名大佛此
亦古跡之一路有過街塔今廢東有德生堂碑存此
即宗時放生處也西有總宜堂張內侍園扁皆御書
亦當時所重東下石函橋跨街為梁上函湖水下溉
民田樂天所建千載利焉北過馬塍土宜花卉地連

九

府社府稷郡厲二壇金祝靈衛忠臣之廟祀典所係
石函之東有昭慶寺則戒壇所宗寺之左右皆古玉
壺園先得樓柳林雲洞之址此錢唐門之風景湖山
至此而一週勝覽則無窮也

右第八節記
北山之勝

昔人撮奇

摘要為十景命曰平湖秋水蘇隄春曉斷橋殘雪雷
峯落照南屏晚鐘麴院風荷花港觀魚柳浪聞鶯三

潭印月。雨峯插雲。要而未盡。其唐宋雖有題詠。今多散逸。所謂地搜勝槩。物無遁形者。未免有遺珠之歎。近承太常清卿陳公所惠西湖百詠倡和詩一帙。觀之。因有所感發于其衷。乃思先儒吳淵穎昔寓南海山作山川記。矧予于錢唐生于茲。長于茲。游息宴樂。每有得于茲。桑榆邱隴。悉在茲。向雖宦寓四方。未嘗

十

一日而忘于茲。今幸以稀齡。又蒙恩而歸全于茲。與其默默與草木同腐朽。孰若託一言以鳴風土之勝。而為登高能賦者有所採于茲乎。故不揆以舊所歷。今所考畫技而述此。以百絕句附之。工拙未暇校尚。望博雅君子是正焉。
右第九節總結湖山之勝
天順七年九月穀旦。中奉大夫廣西布政使司左布政使致仕郡人夏

時以正時年七十三記。

考異

蘇隄六橋下五曰東浦。杭州志寫本作東浦。西

湖十景。一曰平湖秋水。方輿勝覽作平湖秋月。因

有三潭印月為疑。進龍橋一時作盡龍橋。俱未

詳孰是。故著于此。以俟知者是正。胭脂嶺一名

十一

仙芝嶺。今兩存之。

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室